

АКАФИСТ

ВЕЛИКОМУЧЕНИКУ
И ЦЕЛИТЕЛЮ
ПАНТЕЛЕИМОНУ



Издательство Московской Патриархии
Русской Православной Церкви
Москва 2020

УДК 27-528
ББК 86-372
А38

Рекомендовано к публикации
Издательским советом
Русской Православной Церкви
ИС P20-941-3608

Акафист великомученику и целителю Пантелеимону. — М.: Издательство Московской Патриархии Русской Православной Церкви, 2020. — 56 с.

ISBN 978-5-88017-843-8

© Издательство Московской
Патриархии Русской
Православной Церкви, 2020



АКАФИСТ ВЕЛИКОМУЧЕНИКУ И ЦЕЛИТЕЛЮ ПАНТЕЛЕЙМОНУ

Кондак 1

Избранный страсотёрпче
Христов и врачú благо-
датный, туне подай не-
дугующим исцеления, пёсньми
восхваляем тя, заступника наше-
го. Ты же, яко имейя дерзно-
вение ко Гóсподу, от всяких бед

и болѣзней свободѣй нас, любóвию тебѣ зовúщих:

Рáдуйся, великомúчениче и целíтелю Пантелеймоне.

Икос 1

А́нгела земна́го и Небѣснаго чело́вѣка вѣмы ты, сла́вный Пантелеймоне: А́нгельскою бо непорóчностию и мúченичеством укра́шен, пресели́лся еси́ от земли́ на Не́бо, иде́же со А́нгелы и всѣми святы́ми предсто́я Престо́лу Го́спода сла́вы, моли́ся о нас земны́х, почита́ющих тя зва́нии сѣми:

Рáдуйся, свѣтлосте благоче́стия; рáдуйся, пресла́вный свѣти́льниче Цѣркви.

Рáдуйся, мúчеников пречестны́х украше́ние; рáдуйся, вѣрных в непоколеб́имом терпѣнии утвержде́ние.

Рáдуйся, ю́ности преизря́дная похвало́; рáдуйся, побóрниче Хри́стовъ, в мúжестве неодоле́нный.

Рáдуйся, произра́стший в ми́ре, премíрен яв́ивыйся; рáдуйся, А́нгеле во плóти, превосходя́й смѣртных.

Рáдуйся, небожíteлю всеблаже́нный; рáдуйся, Божѣственнаго ра́зума вместíлище.

Ра́дуйся, ѿмже ве́ра возвы́си-
ся; ра́дуйся, ѿмже прелесть низ-
ложы́ся.

Ра́дуйся, великомучениче и це-
лителью Пантелеймоне.

Конда́к 2

Рѣдя́ ты Влады́ка сосѹд избра́н,
Возлюби́ души́ твоея́ доброту́.
Ты бо земну́ю всякую́ сла́дость
и сла́ву презре́в, венце́м мучени-
ческим возжелел еси́ украси́тися,
уязвлен Божество́нною любове́ию,
и вдохнове́нно поя́: Аллилу́ия.

И́кос 2

Ра́зум богодухнове́н имѣя, о
дѹблий воителю́ Пантелей-

моне, изумил еси́ царя́ Макси-
миана́ му́жеством души́ твоея́
и словесы́, ѿмиже дерзнове́нно
пропове́дал еси́ Христа́. Те́мже
похваля́юще дерзнове́ние твое́,
глаго́лем ти си́це:

Ра́дуйся, угро́зы Максимиана́
презре́вый; ра́дуйся, сове́том не-
честивых не покоривы́йся.

Ра́дуйся, насажде́ние ѿстинна-
го богопочте́ния; ра́дуйся, иско-
рене́ние дѣмонскаго служе́ния.

Ра́дуйся, неѿсто́вства мучи́телей
изобличи́телю; ра́дуйся, ѿдо́ль-
ския преле́сти низложи́телю.

Ра́дуйся, разгна́вый нечестивых
собори́ща; ра́дуйся, пременѣ́вый
тле́нная на Небе́сная.

Рáдуйся, собесéднице невещé-
ственных А́нгелов; рáдуйся, сли-
ковствовáтелю многострадáльных
святы́х.

Рáдуйся, íмже сатанá посрамí-
ся; рáдуйся, íмже Христóс про-
сла́вился.

Рáдуйся, великомúчениче и це-
лíteлю Пантелеймоне.

Кондáк 3

Сíлою Вы́шняго, даровáнную
тебé, и крéпким терпéнием
твоím обезсílил есí мучíteлеву
дёрзость, мúжественный победо-
но́сче: огня́, зверей́, колесá не
убо́явся, и мечём усéчен во главú,

венéц побéды прия́л есí от Хри-
ста́ Бóга, взывáя Емú: Аллилúия.

И́кос 3

И́мúщи обíteль твоя́ вседра-
гúю главú твою́, богомúдрый
страстотёрпче, я́ко превелíкое
сокрóвище, рáдости исполняет-
ся о сем и, любóвию воспева́ющи
дáнную тебé от Бóга благодáть
исцелéний, благодарно зовёт тí:

Рáдуйся, Никомидíи светíль-
нице всесвётлый; рáдуйся, чтúщей
тя обíteли стра́же неусы́пный.

Рáдуйся, íмже охладé безбó-
жие; рáдуйся, íмже возрастé бо-
гопознáние.

Рáдуйся, свѣтлая страсотѣрпцев славо; рáдуйся, рáдостное правослáвных слы́шание.

Рáдуйся, исцелѣний благодáтный истóчнице; рáдуйся, даровáний вели́ких вместíлище.

Рáдуйся, благовóнное мíро, облагоухáющее дúши; рáдуйся, я́ко помога́еши призывáющим тя.

Рáдуйся, слепы́м зрѣние даровáвый; рáдуйся, хромы́м благосѣствие устро́ивый.

Рáдуйся, вели́комучениче и целíтелю Пантеле́имоне.

Конда́к 4

Бúрею помышлѣний многобо́жия одержíмь, нечестíвый

царь смутíся, увѣдев от завíствовавших тебѣ врачѣй, я́ко вся́кия неисцѣльныя недúги целíши ты íменем Христá. Мы же, с весѣлием сла́вяще дíвнаго в тебѣ Бóга, вопиѣм Ему́: Аллилу́ия.

И́кос 4

Глы́шавше никомидíйстии лю́дие о вели́ком сострадáнии твоѣм к стра́ждущим и о безмѣздном врачевáнии от вся́ких болѣзней, устремíшася вси к тебѣ, с вѣрою во врачúющую благодáть в тебѣ сýщую, и приѣмлюще скóрая исцелѣния от вся́ких болѣзней, прославля́ху Бóга,

и тебе величаху всемілостиваго
целителя своего, зовуще ти:

Ра́дуйся, пома́занный міром
благодати; ра́дуйся, хра́ме Бóга
освящённый.

Ра́дуйся, вели́кая благочесті-
вых сла́во; ра́дуйся, твёрдая озлоб-
ляемых стено́.

Ра́дуйся, му́дрых превосходя́й
ра́зумом; ра́дуйся, ве́рных осия-
ва́й мысли.

Ра́дуйся, Божественных даров
приятелище, и многообразных
нам милостей Господних исто́ч-
нице; ра́дуйся, ско́рый помощни-
че страждущим.

Ра́дуйся, обуреваемых приста́-
нице; ра́дуйся, заблуждших на-
ста́вниче.

Ра́дуйся, болящих ту́не вра-
чу́яй; ра́дуйся, обильно исцелё-
ния источа́й.

Ра́дуйся, великому́чениче и це-
лителю Пантелеимо́не.

Конда́к 5

Чу́до пресла́вное сотвори́ то-
бо́ю Госпо́дь, егда́ чрез служи́-
теля Своего́ Ермола́я призва́ тя
в чу́дный Свой свет. Ехидною бо
велиею угрызённо умершее от-
роча́, по моли́тве твоёй ко Хри-
сту́ а́бие оживе́ и воста́ здраво.

Позна́в убо Жизнода́вца всех и́стиннаго Б́ога, с твёрдою véрою воззва́л еси́ Ему́: Аллилу́ия.

И́кос 5

У́зрэ свет слепы́й, ему́же, с призыва́нием и́мене Христо́ва, прикосну́лся еси́ ты, сла́вне. Ермола́ем бо пресви́тером просвещён, отрину́в оте́ческое многобо́жие, восприя́л еси́ ма́тернее благоче́стие, и́мже и отца́ просвети́л еси́. Сего́ ра́ди тебе́, сла́вному уго́днику Б́ожию и чу́дному врачу́ зыва́ем:

Ра́дуйся, к Б́огу ве́лие раче́ние име́яй; ра́дуйся, присногоря́щий огню́ Божество́нныя любв́е.

Ра́дуйся, де́ятельный послу́шателю свяще́нных поуче́ний Ермола́я; ра́дуйся, последова́вый сове́том ма́тере твоея́ Евву́лы.

Ра́дуйся, я́ко вся розда́л еси́, да приобрета́еши Христа́; ра́дуйся, любóвь к ми́ру любóвию Б́ожию победивы́й.

Ра́дуйся, я́ко вме́сто сла́дких ми́ра, за Христа́ лю́тая страда́ния прия́л еси́; ра́дуйся, я́ко о́бщник сотвори́лся еси́ Страсте́м Христо́вым.

Ра́дуйся, восторжествова́вый над все́ми страстьми́; ра́дуйся, украси́выйся благода́тным безстра́стием.

Ра́дуйся, исполняя́я ра́дости притека́ющия к тебе́; ра́дуйся, ту́не исцеля́яй всех благода́тию Христо́вою.

Ра́дуйся, великомучениче и целите́лю Пантелеимо́не.

Конда́к 6

Пропове́дник истины яви́ся просвеще́нный тобою́ телесе́ и душе́вне слепе́ц: подобно́ бо ева́нгельскому́ слепцу́, дерзнове́нно пред все́ми испове́да све́та исти́ннаго Христа́, просвеща́юща вся́каго челове́ка, нечестива́го же ца́ря и бо́зи язы́ческаго укори́в, чрез ме́чное усече́ние взы́де

к немерца́ющему све́ту на Небеси́, пе́ти Бо́гу: Аллилу́ия.

И́кос 6

Г све́тлым лице́м предста́в суди́лицу ца́реву, дерзнове́нно зыва́л еси́, треблаже́нне, во услы́шание всех: всецеле́бная си́ла моя́ и сла́ва Христо́с есть исти́нный Бог, Влады́ка всех, ме́ртвые воскреша́яй и всяк недуг отгоня́яй. За тако́вое испове́дание ублажа́юще тя, глаго́лем:

Ра́дуйся, уста́ громогласная́ Божества́ Христо́ва; ра́дуйся, язы́че медото́чный, веща́яй Его́ домострои́тельство.

Ра́дуйся, ветіе превы́шшаго
богосл́овія; ра́дуйся, се́ятелю
му́дрый благоче́стия.

Ра́дуйся, сладкозвучная ве́ры
свире́ль; ра́дуйся, сла́вный про-
пове́днице Правосла́вия.

Ра́дуйся, пре́жде сме́рти яви-
вый дивная; ра́дуйся, по сме́рти
соверша́яй чу́дная.

Ра́дуйся, зрíteлю сла́вы Хри-
сто́вой; ра́дуйся, послу́шателю
моля́щихся тебе́.

Ра́дуйся, подáтелю ми́лости,
тоя́ тре́бующим; ра́дуйся, ходáтаю
благ почита́ющим па́мять твою́.

Ра́дуйся, великомучениче и це-
лíteлю Пантелеймо́не.

Конда́к 7

Ми́ро изли́йся на ду́шу твою́,
Богому́дрый целе́бниче, от
Уте́шителя Ду́ха, те́мже по сме́р-
ти честни́и оста́нки твои́ благо-
уха́нием своимъ страсте́й зло-
сма́радие отгоня́юще, исцеле́ние
подаю́т вопию́щим ве́рою Бо́гу:
Аллилу́ия.

И́кос 7

Егда́ узре́ша идо́льстии чтíteли
мно́голе́тна разсла́бленна, мо-
ли́твою тво́ею, свя́те, воздви́гну-
та и ходя́ща, мно́зи уве́роваша
во Христа́: жрецы́ же бесов́стии,
за́вистию снеда́еми, подвиго́ша
ца́ря на я́рость. Тебе́ у́бо неща́дно

за Христа стру́жему и опаля́ему
бывшу, со умилéнием зовём:

Ра́дуйся, наслаждéния земна́я
презрэ́вый; ра́дуйся, благ веще-
ственных превы́шший.

Ра́дуйся, я́ко вся кра́сная ми́ра
сего́ ни во чтоже вмени́л еси́; ра́-
дуйся, я́ко сла́ву скоротеку́щую
с себе́ отрясл еси́.

Ра́дуйся, неулови́мь пребы́вый
ловлéнии вели́ара; ра́дуйся, по-
бедивы́й мучи́телей кова́рства.

Ра́дуйся, не пощаде́вый за Хри-
ста́ жи́зни своея́; ра́дуйся, яви́-
выйся враг вражде́бныя плóти.

Ра́дуйся, многобо́жия широту́
утесни́вый; ра́дуйся, Божéствен-
ною си́лою йдолы попра́вый.

Ра́дуйся, острéйшая стрелó,
язвя́щая враги́; ра́дуйся, предста́-
телю, заступáяй véрующия.

Ра́дуйся, великомучени́че и це-
лителью Пантелеи́моне.

Конда́к 8

Гранноле́пно явля́ешься тебе́
Госпо́дь, ободря́я и соблюда́я
в мучéниях за и́мя Его́: во обра-
зе бо пресви́тера Ермола́я, кло-
ко́щущее о́лово, в не́же вве́ржен
был еси́, охладí, и в мо́ри отре-
ши́в ве́лий ка́мень от вьи́ твоея́,
изведе́ невреждéнна на зéмлю.
Ты же, па́ки предста́в пред царя́,
торжéственно пел еси́ Христу́
Бо́гу: Аллилу́ия.